

集部

欽定四庫全書釋文紀卷七

集部

主事街臣徐以坤覆勘 詳校官中書日朱文翰

校對官編修臣盧 遂 總校官庶吉士臣何思釣 騰録監生臣紀慶終

とこう風 という 體德貞峙道俗編綜往 通之匠也頃以道業靖 刺沃洲山河東林應 輯

肆守内聖之則佩五戒之貞毗外王之化諸無聲之 多庆四月全書 沙門之義法出佛之聖彫淳反朴絕欲歸宗游虛玄之 合同遊論道說義髙栖皓然遐邇有詠寫 |頻首言敢以不才希風世表未能鞭後用您靈化蓋 不耐塵俗考室山澤修德就別今在剡縣之岬山率 「得為和篤慈愛之孝蠕動無傷街撫恤之哀永 還東山上哀帝書哀希斯遣西 資送 選東山上書 時名 告 流 解 餞 詔 5] 即 **岩徴** 涉適 僧 将出 三都

丘而不裡得一 路若然者太山不哉季氏之旅得一以成靈王者非員 欠正日華上 風既的莫不幸甚上願陛下齊齡二儀弘敷至法去陳 以哲王御世南面之重莫不欽其風尚安其逸軌探其 信之妖誣尋久禱之弘議絕小塗之致泥奮宏轡於夷 不仁秉未兆之順遠防宿命挹無位之節履亢不悔是 不倦道遊靈模日昃忘御可謂鐘鼓晨極聲滿天下清 順心略其形敬故令歷代彌新矣陛下天種聖德雅尚 一以永貞若使貞靈各一人神相忘君君 Ī 挥文癿

畢世絕窥皇階不悟乾光曲 曜猥被蓬荜頻奉明詔使 馬貧道野逆東山與世異柴采蔬長阜澈流清壑繼樓 器以厭神意提詮衡以極冥量所謂天何言哉四時行 若生而非惠則賞者自得戮而非怒則罰者自刑弘公 金好四屋石雪 萬物歸宗執大象而天下自往國典刑殺則有司存馬 恢六合成吉祥之宅洋洋大晉為元亨之宇常無為而 下無親舉神神而咒不加靈玄德交被民荷冥祐恢 ·京進退惟谷不知所居 自到天庭屢蒙引見優游

露板以用伸 次下四華 · 一 斯之數況復同志索居綜習遠落廻首東顧孰能無懷 禁省鼓言帝側將困非據何能有為且歲月僶倪感若 魏皆出處有由點語適會今德非昔人動静乖理游魂 模允塞視聽取踏侍人流汗位席曩四翁赴漢下 賓禮策以微言每愧才不拔滞理無拘新不足對揚玄 一願陛下特蒙放遣歸之林薄以鳥養鳥所荷為優謹 紀谷作傳 **衡作** 其思管裏糧堂路伏待慈記高僧傅歷代 相文化

者開道緣皇澤曠灑朽榦蒙荣然沙門之於世也猶虚 舟之寄大壑耳其來不以事退亦乘閒四海之內竟自 增慎賴聖主哲王復躬弘其道得使山居者騁業城傍 隆安三年四月五日京邑沙門等頭首白夫標極有宗 流連豈不以道隆德盛直往忘返者哉貧道等雖人凡 則仰之者至理契神冥則沐浴彌深故尼父素室顏氏 金にといるとうで 行導奉修三寶愛自天至信不待習但日損功德無心 與梅太尉論州符求沙門名籍書

被州符求沙門名籍煎切甚急未悟高古野人易懼抱 至良有以也将振宏網於季世展誠心於百代而頃頻 於其下使懷道獲濟有志俱全則身亡體盡畢命此矣 索然不知何以自安伏顧明公扇唐風於上位待白足 無宅邦亂則振錫孙游道洽則欣然俱萃所以自遠而 憂實深遂使禪人失静勤士廢行丧精絕氣達旦不寐 大聽殊遊或未具簡謹於上聞伏追恢息以 ううう ことう 逍遙論世說新語 權文起支 之支卓然人道林在 ~ 標新理於 眀 郭向二常

多定匹庫 鵬以營生之路曠故失適於體外鷃以在近而笑遠有 然靡不適此所以為逍遙也若夫有欲當其所足足於 矜伐於心內至人乘天正而高與遊無窮於放浪物物 夫逍遙者明至人之心 也莊生建言大道而寄指鵬鷃 足快然有似天真猶饑者 不物於物則遙然不我得玄感不為不疾而速則道 糧絕筋爵於醪醴哉尚非至足宣所以逍遙乎此 名賢尋味之家之表立 典 所義と 得後遂用支東賢之外皆 飽渴者 理是 盈豈忘烝當 諸

大三丁屋 ニュラ 由如來之照功其為經也至無空豁廓然無物者也無 夫般若沒羅蜜者衆妙之 淵府羣智之玄宗神王之所 為空色復異空私集妙觀章 夫色之性也不自有色色不自有雖色而空故曰色即 即色論世說云支道林造向郭之注所未盡世說 大小品對比要抄序 見誰 賞能 釋文紀 識之乎王曰既無文殊即色論示王中郎中即

是故妙階則非階無生則非生妙由乎不妙無生由乎 能為用夫無也者宣能無哉無不能自無理亦不能為 無登十住之妙階趣無生之徑路何者耶賴其至無故 名是故言之則名生設教則智存智存於物實無迹也 理理不能為理則理非理矣無不能自無則無非無矣 脫於重玄齊萬物於空同明諸佛之始有盡羣靈之本 物於物故能齊於物無智於智故能運於智是故夷三 一是以十住之稱與乎未足定號般若之智生乎教迹

金竹四月子書

こううここと 寂不足以冥神何則故有存於所存有無於所無存乎 覺則智全若存無以求寂希智以忘心智不足以盡無 始道之體也無可不可者聖之慎也茍慎理以應動則 故非無之所無寄存以忘存故非存之所存其若無其 無莫知所以無知存之為存莫知所以存希無以忘無 不得不寄言宜明所以寄宜暢所以言理真則言廢忘 名生於彼理無言也何則至理冥壓歸乎無名無名無 存者非其存也希乎無者非其無也何則徒知無之為 佯文儿

乎欲淵悟羣俗以妙道漸積損至無設玄德以廣教守 所以無則忘無於所無忘無故妙存妙存故盡無盡無 品者道士也皆遊外域歲數悠曩未見典載而不詳其 佛因般若之無始明萬物之自然聚生之丧道溺精神 則忘玄忘玄故無心然後二迹無寄無有冥盡是以諸 所以無忘其所以存忘其所以存則無存於所存遺其 姓名矣嘗聞先學共傳云佛去世後從大品之中抄出 谷神以存虚齊東首於玄同還羣靈乎本無蓋開出小

多定匹庫全書

於變故教遺與乎變理滞生乎權接應存物理致同乎 |體體非乎教故千變萬化莫非理外神何動哉以之不 欠已日奉亡等 三 動故應變無窮無窮之變非聖在物物變非聖里未始 任以全分分足則教廢故理非乎變變非乎理教非乎 響應感通無方建同德以接化設玄教以悟神述往迹 巴亦莫測其由也夫至人也覽通產妙凝神玄冥靈虚 以搜滞演成規以啟源或因變以求通事濟而化息適 小品世傳其人唯日之以淳德驗之以事應明其致而 釋文紀

本之不異統致同乎宗便以言數為大小源流為精粗 悟遲速莫不緣分分闍則功重言積而後悟質明則神 歸而辭數異乎本事備乎不同不同之功由之萬品神 任約文以領玄領玄則易通因任則易從而物未悟二 非聖教之有煩令統所以約教功所以全必待統以適 以成必須重以運通因其宜以接分此為悟者之功重 金与正人人 不以功重而廢分分易而存輕故羣品所以悟分功所 明觸理則玄暢輕之與重未始非分是以聖人之為教

大三日日 二十寸 之為常人而未達神化之權統立應於将來暢濟功於 之今不可以趣徵於 實效應則疑伏是以至人順產情以徵理取驗乎沸油 句語教難權謂崇要為達該領統為傷宗須徵驗以明 數之為得領統之為失而彼指文之徒羁見束教頃者 阿含神匱分淺才不經宗儒墨大道域定聖人志局文 文約謂之小文殷謂之大順常之為通因變之為舞守 小品之體本塞及疑幽滞因物之徵驗故示驗以應 驗目之為淳德效丧於事實謂

或以大品解茂事廣喻引宏與雖窮理有外終於玄同 崇聖典為世軌則夫體道盡神者不可詰之以言教遊 知所以教是以聖人標城三才玄定萬品教非一 位大寶為放王聚濟貨為欲始徒知至聖之為教而莫 金片四月全書 明中小大之不異暢玄標之有寄因順物宜不拘小 無路虚者不可求之於形器是以至人於物遂通而已 物萬方或損放進無寄通適會或抱一御有繫文明宗 殊塗運無方之一致而察殊軌為異統觀竒化為逆理 一途應

才致之不並簡教迹以崇順擬羣智之分向閱之者易 逆鑒明夫來往常在鑒內是故至人鑒將來之希纂明 欠已日年日 神以知來夫知來者莫非其神也機動則神朗神朗則 感聖聖亦寂以應之是以聲非乎響言非乎聖明矣且 聖豈不寄言於百姓夫以萬聲鍾響響一以持之萬物 致的以分致之不同亦何能求簡於聖哉若以簡不由 然其明宗統一會致不異斯亦大聖之時教百姓之分 知希之者易行而大品言數豐具解領富溢問對行 7 釋文紀

宏統有所於理無損自非至精孰其明矣又察其津塗 者參引王統簡領羣目筌城事數標判由宗以為 **隨盡其妙致或以教泉數溢 諷讀難完欲為寫崇供養** 悟其所滞統其玄領或須練紘羣問明其酬對探幽 學之徒須尋迹古關其所往究覧宗致標之與盡然後 與而理統宏逐雖玄宗易究而詳事難備是以明夫為 而解喻清約運旨亹熙然其往往明宗而標其會致使 力致無階諸如此例羣仰分狹閥者絕希是故出小品

金分正四百十

卷上

次定四車全 等一人 品所不載大品之所備小品之所闕所以然者或以二 經雖同出於本品而時往有不同者或小品之所具大 本品之文有六十萬言今遊天竺未適於晉今此二抄 **荃表寄之於玄外惟昔聞之曰夫大小品者出於本品** 也將神王於冥津羣形於萬物量不可測矣宜求之於 之玄致縹縹馬覽津乎玄味精矣盡矣無以加矣斯人 出於本品大本出者不同也而小品出之在先然斯二 尋其妙會覽始原終研極與古領太品之王縹備小品 释文恕

|青聖教之本古徒常於新聲的競於異常異常未足以 宗推梵可以明理徵大可以驗小若尚任胸懷之所得 理統乖宗是以先哲出經以梵為本小品雖抄以大為 其引統錯徵其事巧辭辯偽以為經體雖文藻清逸而 略玄總事要舉宗大品雖解致婉巧而不喪本歸至於 說者或以專句推事而不尋況旨或多以意裁不依經 者之事同互相以為賴明其本一故不並矣而小品至 本故使支流相背義致同乖羣義偏狹喪其玄旨或失

欠正可見という 物之資生靡不有宗事之所由莫不有本宗之與本萬 之為至傷本則失統失統則理滞理滞則或殆若以殆 理之源矣本喪則理絕根朽則枝傾此自然之數也未 而忽詠先舊毀警古人非所以為學輔其自然者哉夫 自窮於所通進不闇常退不研新說不依本理不經宗 由於分得豈非仰資於有知自塞於所尋因蒙於所滞 後本新聲不可以經宗而遺異常之為談而莫知傷本 而不思其源国而不尋其本斯則外不關於師資內不 释文紀

宗倒其首尾或散在羣品略撮玄要時有此事乖互不 倒事同而不乖古歸或取其 初要廢其後致或筌次事 虚實尋流窮源各有歸趣而小品引宗時有諸異或解 格聖言趣悅厚情而乖本違宗豈相望乎大品也哉如 品覽其源流明其理統而欲寄懷小品率意造義欲寄 其分得標顯目然希邈常流徒尚名賓而竭其才思玄 其不悟將恐遂其所感以罔後生是故推考異同驗其 紹不然矣於斯也徒有天然之才淵識邈世而未見大

金好四月至書

同又大品事數甚東而辭曠浩行本欲推求本宗明驗 是故余今所以例玄事以駢比標二品以相對明彼此 というしたか 故採其所究精粗並兼研盡事迹使驗之有由故尋源 之所在辯大小之有先雖理感非深與而事對之不同 事旨而用思甚多勞審功又寡且稽驗廢事不覆速急 要搜玄没之所存求同異之所寄有在尋之有軌介乃 以求實趣定於理宗是以考大品之宏致驗小品之總 也與貫綜首尾推步玄領究其樂結辨其凝滞使文不違 釋文紀

為研盡備其未詳也出三義記 城乖體極對非理標或其所寄者願俟將來摩訶薩幸 旨理無負宗棲驗有寄辨不失後且於希訴之徒浪神 意者在吳縣土山墓下三日清晨為癬始道士白衣凡 間與何驃騎期當為合八關齊以十月二十二日集同 遊宗陶冶玄妙推尋源流關虚考實不亦夷易乎若其 銀坑四扇全書 十四人清和肅移莫不静暢至四日朝泉賢各去余 關齊詩序 集

精其制作美其嘉文不能默巴聊著詩一首以繼于左 誠心來參馬於衝軛圖嚴林之絕勢想伊人之在兹余 送歸有堂路之想静拱虚房悟外身之真登山採藥集 欠已日草白等 两 孫長樂作道士坐禪之像拜而讚之可謂因俯對以寄 巖水之娛遂援筆染翰以慰二三之情 既樂野室之寂又有掘藥之懷遂便獨住於是乃揮手 釋迦文佛像讚并序 詠禪思道人詩序 釋文紀

献於有道版在兹之致淹遂乃明發遐征栖遲幽閒脫 扉三鑒疾苦風人属辭以激 與乃甘心受而莫逆訊大 紫庭紅幹儲官擬嗣區外俄而高逝周覽郊野四開皇 和之誕化稟白淨之顯然生自右脅弱而能言諒天爵 母族厥姓表雲馬仰靈胄以不承籍傷哲之遺芳吸中 姬周之末有大聖號佛天竺釋王白淨之太子也俗氏 夫立人之道曰仁與義然則仁義有本道德之謂也昔 不加為賽誠逸禄以靡須為足故常夕惕上位逆旅

金月正居白書

萬劫之積習同生知於當年掩五濁以檀曜嗣六佛 進德潜七住而挹玄搜冥魚於六絕齒既立而廢筌豁 情虚於静林涼五內之欲火廓太素之治心濯般若以 少足四年在十二 鼻端發三止之矇秀洞四觀而合泯五陰遷於還府六 班井匡居推心立盟釐安般之氣緒運十算以質心併 皇儲之重任希無待以輕樂硫龍章之盛飾貿躬嚴之 欐褐資送之倩自崖而反矣 爾乃抗志匪石安仁以山 四籌之八記從二隨而簡則絕送迎之兩際縁妙 释文化

之外犍屬八億以語極單墳索以與典极道行之三無 美既青而青藍逞百練以就粹尊庶物以歸宗拔堯孔 卦者法其智周照積祐之留詳元宿命以制作或綢之 儀易簡待以成體太和擬而稱部圓著者象其神寂方 位曲成已著則化隆三五沖量弘乎太虚神益宏於兩 **徵傅偉唯丈六體佩圓光啟度黃中色艷紫金運動陵** 以德義或政之以沖風亮形搖於日新期妙主於不盡 虚悠往倏忽八音流芳逸豫楊彩沙覽未兆則卓絕六 金グロムノニー

覺之性三界於悴豁若川傾頹如乾隆點首與永夜同 |真歸於維衛俗狗常以駭竒固以存亡而統之至於靈 たこうらんとう 幽冥流與涸津並匱六度與崩岑俱褫三乘與絕軸 魯信可謂神化之都領皇王之宗謨也年逾從心泯迹 景而與行猶曲調諧於官商當是時也希夷編迎於義 風神奇卓絕於皇軒蔚彩沖漠於周唐頌味有餘於鄒 絡冊周以曾玄神化著於西域岩朝晦升於腸谷民望 泥洹夫至人時行而時止或隱此而顯彼迹絕於忍土 釋文紀 五

太上迎矣有唐統天孔亦因周遼廬三傳明明釋迎實 與古述厥遐思其詞曰 陽而弗暨附桑榆而未升神馳在昔願言再欽遂接筆 與聞景仰神儀而事絕於干載祇洹既已漂落玉樹卒 兼忘難靈風播越環周六合歷數終於赤縣後死所以 因处者親譽故不祈哭而哭豈非兼忘天下易使天下 多片四月五十 亦荒無道喪人亡時亦已矣遁以不才仰遵大猷追朝 戀門徒泣血而心喪 百靈街哀而情悸夫道高者應卑

清大象罕窥乃圆其明玄音希和文以八聲煌煌慧炬 **പ 我說 過 質 之 令 善 可 善 善 因 乃 讚 乃 演 致 存 言 性 豈** 龍伸鼓舞舟容靈氣惟新誰與兹作獨運陶釣三無衷 楊夏烈温柔晞春比器以形卓機以神卷即烟減騰亦 燭我宵征人飲其哲孰識其冥堂之霞舉即亦雲津威 惟帝先應期敵作化融竺乾交養恬和濯粹沖源邁軌 アスショルニナラ 玄八億致遠二部既弘雙翰惟典充以壞竒恬以易簡 世王領宗中玄堂構洪談揭秀負靈峻誕崑岳量裒太 释文机

故其冥矣余遊大方心倦無垠因以静暇復伸諸奇 斷所未能了故今井蛙有坎宅之於馮夷有秋水之伐 夫六合之外非典籍所模神道說世豈意者所測故回 畿泉罔不存誰與悟機鏡心乘翰庶觀冥暉 人之所知不若其所不知每在常朝欲以所不能見而 伊弘闡日月貞朗顯晦周遍生如紛霧暧來已晞至人 全化跡隨世微假云泥洹言告言歸遗風六合佇方赤 阿彌陀佛像讚并序

多近四月全書

| 榮飛沈天逸於淵籔逝寓 羣獸而率真間闔無扇於瓊 林玉響天諧於衛管冥霄順華以闔境神風拂故而納 **殿悉以七寶皆自然懸構制非人匠苑園池沿蔚有竒** 陀晉言無量壽國無王制班爵之序以佛為君三乘為 待者不能遊其疆非不疾者馬能致其速其佛號阿彌 佛經記西方有國國名安養迎遼迎邀路瑜恒沙非無 新甘露徵化以醴被蕙風導德而芳流聖音應感而雷 教男女各化育於蓮華之中無有胎孕之穢也館宇宫 とこう日から 释文化

神化所以永傳别有經記以錄其懿云此晉邦五末之 王猷外釐神道内終皇矣正覺實兼宗師泰定軫曜黃 高儀以質所天詠言不足遂復係以微頌其詞曰 世有奉佛正戒諷誦阿彌陀經誓生彼國不替誠心者 翫五度憑虚以入無般若 選知而出玄衆妙於茲大啟 響慧澤雲垂而沛清學文喻兮而賢言真人冥宗而廢 風殘跡馳心神國非所敢望乃因匠人圖立神表仰瞻 命終靈逝化往之彼見佛神悟即得道矣遁生末蹤忝

多玩四月至書

火足り車とい 化隨雲濃俗與風清歲藥消散靈廳掃英瑣林詣響 <u> 虞駁显懷林有客驅徒雨埋機心甘露敦洽願蔥助馨</u> **晨霞神提廻互九源曾深浪無筌忘鳞罕餌淫澤不引** 開詠歌濟濟精義順神玄肆洋洋三乘說說藏往摹故 神化悟感應機五度低操六慧研微空有同狀玄門洞 中秀姿恬智交泯三達玄夷啟境金方緬路悠週于彼 館辰崎華宇星羅玉聞通方金墉故阿景傾朝日豔蔚 知來惟新二才孰降朗滯由人造化營域雲構我我紫 称文紀

長邁軌一 惚乘神浪高步維 耶鄉握此希夷質映彼虛 開堂觸類 童真領玄致靈化實悠長昔為龍種覺今則夢遊方恍 與清选目擊洞兼忘梵釋欽嘉會閉邪納流芳 音文成环瑶沈粲笑蕖晞陽流澄其潔藥播其香潛爽 冥萃載哲來翔孕景中能結靈幽芳類諸風化妙兼干 金灰电压台 彌勒讚 文殊師利讚 一變同規坐忘

維摩體神性陵化的機庭無可無不可流浪入形名民 懷與八音暢自然恬智冥徼妙縹眇詠重玄盤行七七 震玄白逸響亮三千晃晃疑素姿結跏曜芳蓮家朗高 勒承神第聖錄載靈篇乘乾因九五龍飛兜率天法鼓 紀應運在中幡挺此四八姿映蔚華林園亹亹玄輪奏 大人軌玄度弱喪升虛遷師通資自廢釋迎登鄉別彌 三摅在昔緣 うらとする 維摩詰讚 释文紀 ナル

悟豁爾自靈通 玄句即色自然空空有交映迹冥知無照功神期發筌 故不下蕭條數仍中因華請無著陵虛散芙蓉能仁暢 虚感靈覺震網發重紫外見憑家廓有無自冥同忘髙 玄和吐清氣挺茲命世童登臺發春詠高與希遐蹤乘 乘十哲頡頑傲四英忘期遇濡首亹亹讚死生 動則我疾人恬我氣平怙動豈形影形影應機情玄 金好四月五十 善思菩薩讚 韻

とこりる とよう 開首齊吾我造理因兩虚兩虚似得妙同泉反入粗何 標起分妙一寄無生 音將進和法作率所情亹亹玄心運家家音氣清粗一 以絶塵迹忘一 乃昔有嘉會兹日多神靈維摩發淵響請定不二名玄 開首菩薩讚 法作菩薩不二入菩薩讚 不眴菩薩讚 一歸本無空同何所貴無貴乃恬愉 +

都兵四庫全書 自大以跨小小者亦駭大所謂大道者遺心形名外都 陰遊重冥冥亡影迹隕 三界皆勤求善宿獨玄泯 體神在忘覺有處非理盡色來找虚空響朗生應較託 冥玄和栖神不二境 有爱生四淵淵況世路永未若觀無得德物物自静何 以虛静間恬智翳神줘絕迹遷靈梯有無無所騁不詢 善宿菩薩讚 善多菩薩讚

たこうらんた **跪俗網玄羅擊遊方丘嚴積陳痾長驅幸玉堂汲引與** 為兩儀藴迹為流溺梁英姿秀乾竺名播赤縣鄉神化 靈童終神理恬和自交忘弘規愍孱俗統體稱月光心 忘絕鄙常冥點自玄會善多體沖姿豁豁髙懷泰 形同色欲思也誰及之嘉會言玄志首立必體兹 為勞由無勞應感無所思悠然不知樂物通非我持渾 首立菩薩讚 月光童子讚

挺弘懿濯足流沙傾拔玄致 些法護像讚山山有泉經穢而燥護徘徊有待冥歸無盡場 選其栖高 惧凌風振奇芳 明 多好四月全書 公澄寂道德淵美微吟穹谷枯泉激水迎矣護公天 以超世綜體玄古嘉遁山澤仁感虎兕 丁法蘭 蘭蘭 當於冬雪 道寒像讚和超圖 趙復 為流 像満 讚支 著寫 銘其 虎在 亦甚則 感後 集廣 歎隱 32 泉深

助長羇順勞外湊冥心内馳狗 火己口目という 指喻指絕而莫離妙覺既陳又玄其知宛轉平任與物 抗志無為寒朗三散融冶六疵空洞五陰虚豁四肢 危寂寥清舉濯累禪池謹守明禁雅翫玄規終心神道 熟之熟之至道非确奚為淹滞弱丧神奇茫茫三界眇 英英上人識通理清朗質玉瑩德音順馨 世涓若露垂我身非我云云誰施達人懷德知安必 座右銘飾 · 時 行 行 天 惰州 釋文紀 者小 乃穨 著幸方 赴欽渴緬邈忘疲人生 銘道 以僧 勗 之百 非

而因 欲來便給未聞 作法 推移過此以往勿議勿思敦之覺父志在嬰兒並 竺道潛 隱 潔苑 髙就 答支遁書 酰作 敷 选深 作孜 州字 說灌 瓦詳 門買 劉法 T 果由買: 官氏傳印 元深 岬潛 贞瑯 於異|寺族||口山| 山選 萬學盛學通深 為邪 之刻 Ĵ١ |側岬||道人 開通得公 而 沃山俗丞 敷徒 講衆深答 隱 乃咸唐經公曰 洲通標相 小致領王 著謂 一髙 作僧 有書寧敦 論心 言聞 惬神 慙巢 豈傳 潛潛康弟 然有 恧由 答求初出 信形 而買 世便 買終家 服但 岬師 巴山說-支作 山中 道甎 髙 林未 彌僧

數公研微秀發非吾等所及也 とこりうことう 每憶數上人周旋如昨逝沒奄復多年與其清談之日 有形便有數有數則有盡神旣無盡故知無形傳 些法法 學太元 中終 五 釋道萬住瓦官寺 與道安追論竺僧敷書 與道安稱竺僧敷書 製 義 數 釋文紀 嵩高 官安 才僧 姓僧 寺同 解數 夏傅 行着 相同 高宋 等義疏終瓦官神無形論又著 次寺 與沙 密有 人鍾 道門 ىل 安道 1+1 書萬 寺放 汰光 僧

圖矣此馬 新藍母 温宿王監僧 異有寺名達慕監+僧比山寺名致綠監信+劍慕王 拍夷國寺甚多修篩至麗王官彫鏤立佛形像與寺無 世痛恨之深何能忘情其義理所得披尋之功信難可 多好四母全書 不嘗不相憶思得與君共 覆疏其美豈圖一旦永為異 比丘尼戒本所出本末序出三統記 似其所造因序有法法云 附云 不世 載出 |名||今此

獨立也此三寺尼多是慈嶺以東王侯婦女為道遠集 非大尼三人不行多持五百戒亦無師一宿者朝彈之 斯寺用法自整大有檢制亦三月一易房或易寺出行 右三寺儿丘尾統依古彌受法戒比丘尼外國法不得 藍者未滿五臘一宿不得無依止 V. 17 ... 1. 1.1 王新僧加藍明大乘 右四寺佛圖古彌所統寺僧皆三月一易屋床坐或易 阿麗藍日八十輪若干藍五 學有與年 釋文紀 舌少 彌沙 上 上 二 是門師字 徒而古 阿麗跋藍二十 140 彌乃 阿才 含大學高

無關而不可開無約而不可解也內鍵既爾外又毀容 合此戒來東僧純等求之至勤每嗟此後出法整唯之 多定匹库全書 止竊不在謹封藏也解色則無情於外形何計飾客與 斯戒末乃得之其解色以息猛不在止治容也不欲以 灰斯戒之謂也豈非聖人善赦人故無棄人也哉然女 不飾乎不欲則無心於珠玉何須慢藏與緘縢乎所謂 今所出比丘尼大戒本此寺常所用者也舌彌乃不肯 服進退中規非法不視非時不餐形如朽柱心若涇

隨二十餘年無人傳譯近欲參出殊非尼戒方知不相 推之外國道士亦難斯人也法汰頃年鄙當世為人師 **曇摩侍慧常傳始得具斯一** 大三日前 九十二 關通至於此也賴僧純於拘夷國來得此戒本今佛念 於男也大法流此五百餘年比丘尼大戒了餘其文以此 吾昔得大露精比丘尼戒 而錯得其樂方一匣持之自 人之心弱而多放佛達其微防之宜密是故立戒每倍 一大域而坐視令無 释文犯 部僧法推求出之竟不能具 部法矣然弘之由人不知

昔宋景修福妖星移次陛下光輔已來政刑允輯天下 斯人等能遵行之不耳 塞天譴貧道必當盡誠上答正恐有心無力耳 任重萬機事股失之毫釐差以千里惟當勤修德政以 金云四母全書 竺道壹姓姓民名德沙 竺法曠 異與終 答簡文帝 滅 長邳 為潛 寓 記出 門題目道壹文功遊嚴陵瀬詩 曠青 集三 居 擮 答山 乃石 與室 弟簡 子文 齊帝 · 做有頃苗 富道 查 傳高 僧

於正四事全書 · 梅文化 常隱志存慈赦故游不滞方自東祖西惟道是務雖萬 崇禮佛法弘長彌大是以殊城之人不遠萬里被褐振 蓋開大道之行嘉遁得肆其志唐虞之盛逸民不奪其 物感其日計而識者悟其歲功今若責其屬籍同後編 性弘方由於有外致遠待而不踐大晉光熙德被無外 錫洋溢天邑皆割愛棄欲洗心清玄遐期曠世故道深 答丹陽尹書查太和中出都止瓦官寺從法公學 壶遥都壹答留丹陽 尹 移 -+;;

始得優游山林之下縱心犯釋之書觸與為詩陵拳採 較之人不書王府幸以時審識詳而後集也再 虧盛明之風有謬主相之古且荒服之賓無關天臺幽 樂服餌蠲痾樂有餘也但不與足下同日以此為恨 户恐游方之士望崖於聖世輕舉之徒卓長往而不反 帛道飲姓馬山陰 與竺道宣書塩止 溪相會定交林下與壹書查乃東適 稱虎 好丘 Ħβ 丘時 堅岩 典道壹有犯那山有常 講起之遇 僧

欠己日早日 得度三界衆生靡不載之故經曰大乘道之與一切度 意八法而有八等則為五經也依如此比當應為七 傳髙 止四神足無四意斷五法則有五根五力七法無七覺 天人然則三十七品或離或合在 三十七品者三世諸佛之舟與聲聞支佛亦皆乘之而 竺墨無懶 僧 三十七品 經序 鎮西寺譯 否云法正 释文犯 經本 西 十城 太 訚 增四法而有四意 亢 見 中於 刷 亢 ニナと 釋揚 教都 銾謝

於後令始涉者覽之易悟不亦佳乎又以諸經之異者 注於的末也小安般三十七品後則次止觀律法義決 泥洹四十品五根中云四禪四諦有目無文故復屬之 而事有異同者得顯於義又以三三昧連之乎未以具 經撮采事備解巧便者差次條貫伏其位使經體不毀 行樂也又諸經三十七品文辭不同余因別戲尋省諸 有安般出入息事将是行四意止時有亂意起者執對 如此則離也而諸經多合唯 增爾耳中阿含身意止

金云四足五十

とうしつう ととう 晉泰元二十一年歲在丙申六月沙門竺曇無蘭在楊 易見而其行也序二百六十五字本二千六百八十五 三十七品後次四諦小十二門後次三向尔為泥洹四 州謝鎮西寺撰 字子二千九百七十字凡五千九百二十字除後六行 三三昧四禪四諦繫之於三十七品後欲令行者覽之 十品止觀四諦成道之行不可以相無也是故集止觀 八十字不在計中

重說皆齊慧業而止以此二品檢之有以二字為名者 賢切經說二十一百諸度無極竟喜王菩薩仍問今此 金云四母全書 王說諸佛號字號字一千數之有長而與立發意二品 四正覺喜王白佛惟願世尊說諸佛名字姓號佛為喜 有不但此諸開士也當來賢切一千如來亦得入也除 會中寧有大士得此定竟入斯八千四百諸度無極及 八萬四千度無極法入八萬四千諸三昧門乎佛答言 干佛名號序

ピュラー シュン 所不了則全舉之又以字異者注之於下然或能分合 長而有者或當以四五六字為名號也與立發意不盡 夫戒者人天所由生三来所由成泥洹之關要也是以 |名自慧業以下難可詳也余今别其可了各為佛名意 異者想梵本一耳將是出經人轉其音解令有左右也 失所深見達士其有覺省可為改定恕余不速 三字名者有以他字足成音句非其名號亦時有字支 大比丘二百六十戒三部合異序 释文紀 二九

到好四库全書 支質重會墨摩侍所出戒規矩與同然侍戒眾多施有 竺僧舒許得戒 道也何難哉懶自染化務以戒律為意昔在於廬山中 而求度巨海乎亦如魚出於深淵鴻毛入于盛火怖不 世尊授藥以戒為先馬戒者乃三藏之一也若不以戒 自禁馳心於六境而欲望免於三惡道者其猶如無舟 死燋者木之有也行者以戒自嚴猛意五十八法者取 十事尔為戒有二百六十也釋法師問侍侍言我 一部持之自隨近二十年每一尋省恨

灭足四草全 事類相對亦時有不相似者重飯食無餘因緣隋 者為重長也余以長鉢後事注於破鉢下以子從母故 過十日捨墮續言是比丘當持此鉢與比丘僧二十 也九十事中多祭錯事不相對復徒就二百六十者令 僧推其理古宜如二百五十者在長鉢後事與破鉢并 尔百有一十三十事中第二十一二百五十者云長鉢 二百六十者云鉢破級齊五更未得新鉢故者當歸東 從持律許口受一 記之莫知其故也尼戒衆多施亦 释文紀

請此一戒在重飯一戒在别請亦為有餘緣則得重飯 亦得越次受請也不舒手受食自恐教人恐怖此二戒 重飯不屬人言不足此除因緣事與別請并故以對別 者有以三為一者余復分合令事相從然此三戒或能 以二百六十戒為本二百五十者為子以前出常行戒 似者莫知所以也余因閒服為之三部合異粗斷起盡 無對将傳寫脫耶梵本闕乎東多施亦有不相對不相 全句繁之於事末而亦有永乖不相似者有以一為二

金发也五人二十

欠己り長亡時 光 旣 延日 州元 洞照見形悅景悟古測妙 明遠理亦弘近教千燈 出記 燈費 為當 正誌 終康集 才聰叡若 故本 縣外 鄣康 謝月 崑居 釋文紀 山國 鎮二 詳人 同 西十 攬者加思為定 類藝 誄籍 寺五 輝 聚文 合日 吳 百枝並雅 高興 ましょし 僧從 傳法 飛煙清 到生 恕 宋姓 上無 元支 月蘭 嘉義 在 末熙

物以之宗故法性住港 故以為名馬聚美咸歸壯麗畢備於 昔如來遊王舎城想靈鳥山舊云其山峯似鳥而威靈 金分四月百十二 明圓燭以遂能乘涉 冥壑以沖虛静用百川以之本至極以無相標玄品 靈鳥山銘序 -住經合注序 堪州 所長 九寺 善沙 動以開 以居妙寂紛累以運通靈根 用然能要有資用必有本 住學 為之注 覺平 解為 股

たこりをハーナラ 溢則洪川灌壑玄像差轍則三光晦曜因此而推固 而極之則唯心與法别而張之則綿彰八極請辯而目 則靈照通而大乘廓滞有則神處塞而九宅開矣然推 其終化積之本十道改其謀心所兆其始故心術憑無 運通有宗化積有本夫運通之宗因緣開其會無相極 必處偏照圓則神功造極應偏則顛覆與馬故四漬開 其通通則苞鏡六合而有無圓照塞則用隨緣感而應 用必有本故御本則悟涉無方能要有資故悟虚則逐 揮文紀 知

實那智謂種機心故五欲為酰體之室開見故三實為 金石正是台書 號也正見創入轍之始正編標體極之終四者益精砚 體用為萬法言性虚為無相稱動王為心識謂静御為 夫體用無方則用實 異照 故亂識為塵穢心欲開見謂 彌綸水鏡萬法雖數隨緣感然靈照常 見者正見也始晓之偏目也智者正确知也體極之圓 智照故滞有處塞則曰心 曰識憑靈照通則曰智曰見 馬夫萬法浩然宗 無相靈魄彌綸統極圖照斯益目 而不變者也

たこり町山地町 放于化彰八萬歸于圓照使靈機無隱伏之數大造 故十住為經將窮蹟心術之原本遂真悟之始辯神功 法若夫名隨數變則浩然無際統以心法則未始非 精魄彌給體故靈照靈照故統名一心所緣故總號 **憑四諦以洗鑒智撫無相以通照然則境雖理故心緣** 荆石之門亂識故六塵為幻惑之肆廓智故 驪龍之淵四者實萬法浩然 同實異照雖感應交映宗 無相者也故識御六塵以朦性心起五欲以昏慮見 釋文紀 一切種為

與益原明神覺之向牖發些真慧之砝碼如來反流盡 提菩提者包極十道之尊號枯囊通物之妙稱乃十住 源之舟輿世雄撫會誕化之天府乃衆經之宗本法藏 啟靈照之圓極遠宏大通之逸軌故十住者静照息機 虚竊之名爾乃落滞識以反鑒貞真慧以居宗開十道 目表稱十住諒義存於茲馬義存於茲馬然則十住之 運其用怙無相遠其通合三義以廓能則表宏稱謂菩 反鑒之容目者也夫所以冠大業之始唱統十地之通

金月中五月二十

豐解城而古弘非百行開于心軟啓八萬舉其 たに日早亡的 泉盖非勝無以扣其玄處非妙不足光其道道光要有 高必請遠致深則與玄故廓六天以妙處引法雲以勝 負日月而彌昏面玄津而莫濟矣當請引而推馬夫舉 于三隅者哉悲夫守習之迷雖服膺舊聞不翫斯要譬 致弘不可以言象窮道玄不可以名數極故文約而義 之淵源實鑒始領終之水鏡光宣佛慧之日月者也去 夫採鉤玄齊研機孰能亢貞鑒致於希微開拔英悟返 程文紀 1 一隅非

若斯之弘哉孰有若斯之弘哉以此而斷其道淵矣其 以辯用馬可共幼而言非夫體包三義道總兩端孰有 覺於九識之淵匹夫衆經以比與不得同日而語開八萬 開與撫玄中之統韻發五情以宣到慮衆誠以彌淳遞 則體鏡九宅廓六變以開運朗耀世之宏觀叩三說以 以引眾則英彦益時處極六天則實映七珍聚舉法雲 方玄扣必得人故位妙處以殊方則境絕聚穢開玄肆 二七以運感互交用於玄端開神轍于三轉之際兆靈

金分口四分言

とこうではない 開賞事庶無惑馬故撫經静慮感尋疇昔每苦其文約 質厕南金之肆誠悟無返三之機思無稽玄之謀然存 益悟宗入轍幾於過半運格其願彌遭其會以鉛礫之 於命世邁英風于季俗乘冥寄而孙遊因泰運以弘道 之下靈液有寄馬夫外國法師鳩摩羅者婆者挺天悟 致玄矣夫以金剛之幽植總神辯以居用猶曰不可究 撫玄節於希聲暢微言于像外可以祛故約新非擬三 其深況自降兹者乎然道不獨運弘必由人故今千載 俘文化

銀兵匹母全書 之心耳庶後來明哲有以引而補馬 記上聞畧為注釋豈曰淵壑之待晨露益以伸其用己 而致弘言城而古玄使靈燭映于隱藪大宗昧于偏 標繇是以權範玄風自兹用澆淳至于閉詣靖唯 釋道慈來高僧 津門則何常不遙然長慨撫頹薄以與懷哉故逐撰 及卷此道 慈當非小 好晉安帝隆安五 知晉安帝隆安五 到晉安帝隆安五 當十安慈門釋 近 五計道 截 其 年 年 在 惠 數 值 上此傳宋 十云 勝末 藏出餘道 蔓元 記三 載慈經藏 而序序中 鬘阿出後 之含三有

している といろ 伽提和招集門徒俱遊洛邑四五年中研講逐精其人 怖屬解句味亦差良由譯人造次未善晉言故使爾耳 曇廣說僧伽羅义阿毘曇心婆須密三法度二衆從解 中阿含經記云昔釋法師於長安出中阿含增一阿毘 脫緣此諸經律凡百餘萬言並進本失古名不當實依 乃經數年至關東小清冀州道人釋法和罽賓沙門僧 會無秦交戰關中大亂於是良匠背世故以弗獲改正 中阿含經序 釋文紀

持正法以已任即檀越也為出經故造立精舎延請有 皆譯正唯中阿含僧伽羅义婆須蜜從解脫緣未更出 從提和更出阿毘曇及廣說也自是之後此諸經律漸 漸曉漢語然後乃知先之失也於是和乃追恨先失即 耳會僧伽提和進遊京師應運流化法施江左于時晉 ,預請經師僧伽羅义長供數年然後乃以晉隆安元 一釋慧持等義學沙門四十許人 大長者尚書令衛將軍東亭侯優婆塞王元琳當護 於諸所安四事無乏

金好四月五十

傳其人傳譯准之先出大有不同於此二百二十二經 合五十一萬四千八百二十五字分為六十卷時週國 始訖此中阿含凡有五誦都十八品有二百二十二經 寶唐化共書至來二年戊戊之歲六月二十五日草本 ここうし ハニア 本請僧伽提和轉姓為晉豫州沙門道慈筆受吳國李 其精舎更出此中阿含請罽賓沙門僧伽羅义令講梵 年丁酉之歲十一月十日於揚州丹陽郡建康縣界在 入難未即正書乃至五年辛丑之歲方得正寫校定流

逆忤先習不協衆情是以其人不得自專時有改本從 多好四庫全書 高明外國善晉梵方言者訪其得失利之從正出兵藏 若委靡順從則懼失聖吉若從本制名類多異舊則 又紀卷上 浴者皆抄出注下新舊兩存别為一卷與目 示於後将來諸賢令知同異得更採訪脫遇 一部異同孰知其正而道慈愚意怏怏於邊

欽定四庫全書釋文紀卷八

集部

主事街臣徐以坤覆勘 詳校官中書日朱文翰

總校官庶古士臣何思釣 校對官編修臣盧 腾绿監生臣紀慶終 遂

宗會故作 久己の事人は 者以心為名 CHANGE CHANGE 釋文紀 家開士字曰法勝淵 明)微言管統泉經領其 譯僧 梅鼎祚 與弟慧 于廬山 輯

之管紋則人 與數合則音協律吕而俱作拊之金石則百獸率舞奏 儀形羣品觸物有寄若乃一 以為要解號之曰心其頌聲也擬象天樂若靈裔自發 其幽致別撰斯部始自界品記于問論凡二百五十 經源流廣大難卒尋究非瞻智宏才其能畢綜是以 **遠鑒探深研機龍潛赤澤獨有其明其人以為阿** 引類乎物情也情與類遷則聲隨九變而成歌氣 神 同感斯乃窮音聲之妙會極自然之象 吟 詠狀鳥步獸行也一 毗 曇

金人口及白電

肢者也發中之道要有三馬一謂顯法相以明本二 擬蹟聖門尋相因之數即有以悟無推至當之極動 定已性於自然三謂心法之生必俱遊而同感俱遊必 先弘内以明外譬由根而尋條可謂美發於中暢於四 名の言言 則親玄路之可遊然後練神達思水鏡六府洗心淨慧 有極法相顯於真境則知迷情之可反心本明於三 同於感則照數會之相因已性定於自然則達至當之 不可勝言者矣人其為經標偈以立本述本以廣義 to della 187 釋文紀

部之淵府也以三法為統以覺法為道開而當名變而 曲盡償或失當俟之來賢幸諸明哲正其大謬 來遊因情令譯提婆乃手執梵本口宣晉言臨文誠 懼 匠本正關入神要其人情悟所然亦己涉其津矣會遇 多炭四年全書 人微矣罽賓沙門僧伽提婆少號兹文味之彌久兼宗 一章三後遠亦寶而重之敬慎無違然方言殊韻難以 |法度經者益出四阿含四阿含則三藏之契經十 二法度經序

久二日日 公子 其義顯發事類以弘其美幽讚之功於斯乃盡自兹而 然其文猶經故仍前人章句為之訓傳演散本文以廣 後有大乘居士字僧如先以為山賢所集雖群旨高 學之華苑也有應真大人厥號山賢恬思聞宇智周變 諸法而會其要辯衆流而同其原斯乃始涉之鴻漸舊 通感達識之先覺憨後蒙之未悟故撰此三法因而 云 自徳品暨 于所依凡三章九真度斯其所作也 廣法雖三馬而類無不盡覺雖一 祥文紀 馬而智無不周觀 曲盡而文不害意依實去華務存其本自告漢與速 同集勘令宣譯提婆於是自執梵經轉為晉言雖音不 神趣懷佩以遊其人雖不親承二賢之音旨而諷味 罽賓姓瞿曇氏字僧伽提婆告在本國預聞斯道雅就 蹈禪思入微者挹清流而洗心萬座談對之士擬之而 後言博識淵有之家由之而瞻聞也有遊方沙門出自 後道光于世其教行馬於是振錫趣足者仰玄風而髙 藏之遗言志在分德韵人不倦每至講論嗟詠有餘遠

金好四月至書

中馬 父でり日本は 比丘釋僧伽先志顧大乘學三藏摩訶幹耶伽蘭兼通 賢哲若能然通晉梵善譯方言幸復詳其大歸以裁厥 泉或文過其意或理勝其辭以此考彼殆兼先典後來 有晉道俗名賢並祭懷里典其中弘通佛教者傳譯甚 切書記三法度三品九真度撰記出此經特此福祐 切衆生令從若得安見諦解脱 二法度經記未詳作者又無世代 释文紀

之要照寂之謂其相濟也照不離寂寂不離照感 遊應必同趣功玄在於用交養於萬法其妙物也運羣 則 故發軫分達塗無亂轍革俗成務功不待積靜復所由 而言禅非智無以窮其寂智非禪無以深其照則禪 金月工屋台書 夫三業之與以禪智為宗雖精麤異分而階籍有方 ,幽緒告微淵博難完然理不云昧庶旨統可尋試 以至壹而不有廓大泉於未形而不無無思無為 山出修行便禪經統序 則 俱

蚁定四軍全書 虚授良有以矣如來泥曰未久阿難傳其其行弟子末 之有匠幽關莫開罕閥其庭從此而觀理有行藏道 常規其變多方數無定像待感而應是故化行天竺 則是阿難曲私音站遇非其人必藏之靈府何者心無 窮神也若乃將入其門機在攝會理玄數廣道隱於文 昔功在言外經所不辨必屬軌元匠孱馬無差其後 田地末田地傳舍那姿斯此三應真成乘至願冥契于 無不為是故洗心静亂者以之研慮悟徹入微者以之 權文紀

暨而不至或守方而未變是故經稱淌願之德高普事 唯寂其揆一耳而尋條求根者衆統本運末者寡或將 五部之學並有其人成懼大法將頹理深其城遂各述 運以廢與自兆神 法藏所存唯要五部之分始自於此因斯而推固知形 ヨリマカノニ ·不慎于可不察乎自兹已來感於事變懷其舊典者 福經以隆或業其為教也無數方便以求寂然寂乎 放城弱而超悟智終世表才高應寡觸理從簡 用則幽步無蹟妙動難尋涉麤生異

というしていた 逍感寄趣於若人捨夫制勝之論而順不言之辯遂 數尤寡三業無統斯道殆廢項鳩摩者婆宣馬鳴所述 之所分亦不出乎其外别有宗明矣每慨大教東流禪 寄蹟無聞無示若斯人者復不可以名部分既非名部 升降小大之目其可定乎又達節善變出處無際晦名 殊業存乎其人人不繼世道或隆替廢與有時則互相 之風原去聖旨非徒全其長亦所以救其短若然五部 乃有此業雖其道未融益是為山於一簣欣時來之有 釋文紀

經要勘發大乘弘教不同故有詳略之異達摩多羅闔 超三忍以登位垢習凝於無生形累畢於神化故曰無 氣幻形告疎入深緣起見生以際介乃闢九關於龍津 也圖大成於未象開微言而崇體悟惑色之悖德杜六 彼僧那以至寂為已任懷徳未忘故遺訓在兹其為要 自達摩多羅與佛大先其人西城之後禪訓之宗搜集 以寢患達忿競之傷性齊彼我以宅心於是異族同 從生靡所不生於諸所生而無不生今之所譯出

金公四四至書

卷八

玄根於法身歸宗一 然後今原始反終妙尋其極其極非盡亦非所盡乃曰 不以盡雖往復無際而未始出於如故曰色不離如 大正写真 から 無盡入于無盡法門非夫道冠三乘智通十地孰能 逢以領會分別陰界導以正觀暢微緣起使優劣自辯 宜有漸是以始自二道開甘露門釋四義以反迷啓歸 不離色色則是如如則是色佛大先以為澄源引流固 泉篇於同道開一 色為恒沙其為觀也明起不以生 一於無相靜無造照動不離寂者哉 得文紀 Ł 洞

覺之道不虚凝於物表弘教之情亦漸可識矣有大乘 固葉寧極以待哉若達開塞之有運時來 而盛衰合其變是故知喻易相 之推移一 宗極無為以設位而聖人成其能昏明代 有往復由之以觀 有在 脱於 智論抄序 誤用 其會通光時命給謬世道交淪而不深根 雖真極潛應圓景無窮不能均 推 理有行就屈伸 非由遇 謝以開 相 則 感 運

大方無垠或有出乎其外者俄而廻步雪山啓神明 守閉行禪靖慮研微思通過半因而悟日間之於前論 **收定四重全等** 訴志將歷古仙之所遊忽遇沙門於嚴下請質所疑 而勿用乃喟然歎曰重夜方唇非螢燭之能照雖白日 兹接九百之運撫頹薄之會悲蒙俗之茫昧蹈險蹟而 髙士厥號龍樹生于天竺出自梵種精誠曩代契心在 瘦光猶可繼以朗月遂自誓落簪表容玄服隱居林 弗恪於是卷陰衡門雲朔赤澤慨文明之未發思或躍 释文紀

門宗一 幽與厥極難明自非達學勘得其歸故敘夫體統辯其 起對名曰問論其為要也發彰中衢啓感智門以無當 其致大乘之業於兹復隆矣其人以般若經為靈府妙 知有方等之學及至龍宫要藏祕典靡不管綜滯根 五次でたろう 致若意在文外而理總於辭輒寄之賓主假自疑 ,則名冠道位徳備三忍然後開九津於重淵明麟族 俱遊學徒如林英彦畢集由是外道髙其風名士 之道三乘十二部由之而出故尤重馬然斯經 をへ

鏡萬法固非常智之所辯請略而言生塗兆於無始之 境變化構於倚伏之場咸生於未有而有減於既有而 際未嘗不一章三復改於有遇其中可以開蒙朗照水 而復詠哉雖弗獲與若人並世叩津問道至於研味之 炎已四年心事 一 大業於將頹紐遺綱之落緒今微言絕而復嗣玄音報 同軌玄轍一 行寂以行智則羣邪革慮是非息馬神以凝趣則二諦 為實無照為宗無當則神凝於所趣無照則智家於所 馬非夫正覺之靈撫法輪而再轉孰能振 釋文紀

無自 其然無性之性謂之法性法性之性因緣以之生生緣 在無者無於無者也有有則 方可得而言嘗試論之有而在有者有於有者也無而 而名實俱玄將尋其要必先於此然後非 求宗鑒明則塵累不止而儀像可親觀深則悟徹入微 無推而盡之則知有無迴謝於 気でたる言 相雖有而常無常無非絕有猶火傳而不息夫然 一化映空而無主於是乃即之以成觀反鑒以 非有無無則 法相待而非原生 非無何以 有非無之談 知

久門の日にまする 以瞻其辭暢發義音以弘其美美盡則智無不周辭 以絕夫壘瓦之談而無敵於天下者也爾乃博引衆經 或闔外塗於一 類多變而不可窮或開遠理以發與或尊近習以入 此以往莫之或知又論之為體位始無方而不可語觸 奥者心不待慮智無所緣不減相而寂不修定而閒 則法無異趣始末淪虛畢竟同爭有無交歸矣故遊其 遇以期通馬識空空之為玄斯其至也斯其極也過 一法而弗雜或關百慮於同相而不分此 释文紀

寶德洽殊俗化流西域是使其人 待感而應于時泰主姚王敬樂大法招集名學以隆三 辯馬雖涉海求源未足窮其逐矣若然者非夫淵識曠 馬莫測其量洋洋馬莫比其或雖百川灌河未足語其 度孰能與之潛躍非夫越名反數孰能與之澹漠非夫 則廣大悉備是故登其涯而無津挹其流而弗竭汪汪 才博見智周羣籍號服斯論佩之彌久雖神悟發中必 洞幽入冥孰能與之沖泊哉有髙座沙門字曰童壽宏 間風而至既達關

金好四月全書

求其本則知聖人依方設訓文質殊體若以文應質則 ACT. 10 IGI LIMITO IN 疑者衆以質應文則悦者家是以化行天竺辭樸而義 幽淪長夜背日月而唇逝不亦悲乎於是靜尋所由以 故約本以為百卷計所遺落殆過叁倍而文藻之士 隱於榮華玄樸虧於小成則百家競辯九流爭川方將 珠內映雖實非用信言不美固有自來矣若遂今正典 以為繁成累於博罕既其實譬大美不和雖味不珍神 即勘令宣譯童壽以此論深廣難卒精究因方言易省 律支紀 緧

繫以問論正其位分使類各有屬謹與同止諸僧共 其未允請俟來哲並出 微言近而旨遠義微則隱昧無象旨遠則幽緒莫尋故 金好四月全書 令既常訓者牽於近習來名教者感於未聞若開易進 路則陷籍有由晚漸悟之方則始涉有津遠於是簡 以為集要凡二十卷雖不足增暉聖典底無大謬 理穢以詳其中令質文有體義無所越報依經立本 Ξ

巨細互相違三允迎景以移照天地卷而入懷矣又諸 宙而閣蹈大方者哉請言其始菩薩初登道位甫闕玄 次に四軍と時 門體寂無為而無弗為及其神變也則今脩短革常度 習以移性猶或若兹沘夫尸居坐忘冥懷至極智落宇 宇而感物通靈御心惟正動必入微此假修以凝神積 徹斯二者是自然之玄符會一而致用也是故靖恭問 分想寂則氣虚神朗氣虚則智恬其照神朗則無幽不 序曰夫稱三昧者何專思寂想之謂也思專則志一不 門文紀

之所緣固不得語其優劣居可知也是以奉法諸賢成 相湛 之所暨而聞見行馬於是親夫淵凝虛鏡之體則悟靈 三昧其名甚眾功髙易進念佛為先何者窮玄極寂尊 鱼为巴尼白星 一感乃發久習之流覆豁唇俗之重迷若以匹夫衆定 融朗非天下之至妙孰能與於此哉以兹而觀 所緣以成鑒鑒明則內照交映而萬像生馬非耳 如來體神合變應不以方故令入斯定者昧然忘知 清明自然察夫玄音之叩心聽則塵累每消滯 覾 E]

久にしい日日日 理 晉成康之世車騎將軍庾冰疑諸沙門抗禮萬來所 思 詠而己哉明集弘 之與俯引弱進垂策其後以此覧衆篇之揮翰宣徒文 法堂整襟清向夜分忘寢夙宵惟勤庶夫貞詣之功以 通三乘之志臨津濟物與九流而同往仰援超步拔茅 何驃騎有答二家論各至元與中太尉桓公亦同 揆之契感寸陰之類影懼來儲之未積於是洗心 沙門不敬王者論五篇 釋文紀 明

廢其敬哉于時朝士名賢答者甚衆雖言未悟時並互 大德曰生通生理物存乎王者故尊其神器而體定惟 國存亦日用於理命豈有受其德而遺其禮沾其惠而 隆宜是虚相崇重義存弘御而已沙門之所以生生資 生通運豈獨以聖人在位而比稱二儀哉將以天地之 推乎視聽之外以敬為本此出處不異益所期者殊 敬恭宜廢也老子同王侯於三大原其所重皆在於資

多少でるる

義謂庾言之未盡與八座書云佛之為化雖誕以茫 浩

究教微意豈曰淵壑之待晨露益是伸其罔極亦庶後 之否運深懼大法之將為感前事之不忌故著論五篇 其弘教通物則功侔帝王化兼治道至於感俗悟時亦 原夫佛教所明大要以出家為異出家之人凡有四科 之君子崇敬佛教者式詳覽馬 塵俗亮到之心屈乎人事悲夫斯乃交喪之所由千載 有其美徒咸盡所懷而理經於情遂令無上道服毀於 在家 釋文紀

得論者請略而言之在家奉法則是順化之民情未變 之而成教本其所因則功由在昔是故因親以教愛使 民知其有自然之恩因嚴以教敬使民知有自然之重 俗迹同方内故有天屬之爱奉主之禮禮敬有本遂因 無世不有但所遇有行藏故以廢與為隱顯耳其中 ,者之來實由冥應應不在今則宜尋其本故以罪對 ?刑罰使懼而後慎以天堂為爵賞使悦而後動此皆 其影響之報而明於教以因順為通而不革其自然

金分四月五章

スハワーハー 者立言之旨貌有所同故位夫内外之分以明在三之 同悟斯乃佛教之所以重資生助王化於治道者也 投簪者必待命而順動若君親有疑則退求其志以 而廢其敬是故悦釋迦之風者朝先奉親而敬君變 **未明則大同於順化故不可受其德而遺其禮沾其惠** 而特出是故教之所檢以此為涯而不明其外耳其外 方將以情欲為苑囿聲色為遊觀躭湎世樂不能自勉 何者夫厚身存生以有封為滯累根深固存我未忘 釋文紀

金石区四百里 之志略殺經意宣寄所懷 出家二

求宗不由於順化則不重運通之資息患不由於存身 出家則是方外之賓迹絕於物其為教也達患累緣於 有身不存身以息患知生生由於稟化不順化以求宗

斯人者自誓始於落簪立志形乎變服是故凡在出家 不野厚生之益此理之與形乖道之與俗反者也若

皆逃世以求其志變俗以達其道變俗則服章不得與

與夫順化之民尸禄之賢同其孝敬者哉 違其孝外闕奉主之恭而不失其敬從此而觀故知超 次定写車全售 惠淺若然者雖將面冥山而旋步猶或恥聞其風豈況 亦已協契皇極在宥生民矣是故內乖天屬之重而 化表以尋宗則理深而義篤昭泰息以語仁則功末 世典同禮逐世則宜髙尚其蹟夫然者故能拯溺俗 沈流拔幽根於重劫遠通三乘之津廣開天人之路 夫全德則道治六親澤流天下雖不處王侯之 祥文祀 **→** 位

必存乎體極體極必由於順化是故先賢以為美談衆 問曰尋夫老氏之意天地以得一為大王侯以體 重少区元二章 答曰凡在有方同稟生於大化雖羣品萬殊精麤異 統極而言唯有靈與無靈耳有靈則有情於化無靈 無情於化無情於化化畢而生盡生不由情故形 不能異異夫衆論者則義無所取而云不順化 故為萬化之本體順故有運通之功然則 宗不順化三 表、 順為 明宗

久にの事を告 感則神滯其本而智唇其照介然有封則所存唯己所 界流動以罪苦為場化盡則因緣永息流動則受苦無 患也馬可勝言哉是故經稱泥洹不變以化盡為官三 涉唯動於是靈轡失御生塗日開方隨貪爱於長流豈 窮何以明其然夫生以形為桎梏而生由化有化以情 生不絕則其化彌廣而形彌積情彌滯而累彌深其為 而化減有情於化感物而動動必以情故其生不絕其 ,受而已哉是故反本求宗者不以生累其神超落麈 釋文紀 ナン

所以抗禮萬乘高尚其事不爵王侯而沾其惠者也 於稟化不順化以求宗義存於此義存於此斯沙門 故前論云達患累緣於有身不存身以息患知生生由 生者不外王侯雖以存存為功而未能令存者無患是 虚稱也哉請推而實之天地雖以生生為大而未能令 累其神則神可冥冥神絕境故謂之泥洹泥洹之名豈 封者不以情累其生不以情累其生則生可減不以生 金少正是白電 體極不兼應四

聞答曰夫幽宗曠邀神道精微可以理尋難以事詰既 所寄則宗極可明今諸沙門不悟文表之意而惠教表 堯則之如此則非智有所不照自無外可照非理有 所 本不可二是故百代同典咸一 問曰歷觀前史上皇已來在位居宗者未始異其原本 涉乎教則以因時為撿雖應世之見優劣萬差至於曲 之文其為謬也固已甚矣若復顯然有驗此乃希世之 父こうまたいます! 不盡自無理可盡以此而推視聽之外廓無所寄理 称文紀 其統所謂唯天為大唯

辯辯之或疑春秋經世先王之志辯而不議者非不可 成在用感即民心而通其分分至則止其智之所不知 者非不可論論之或乖六合之內論而不辯者非不可 外者乎請復推而廣之以遠其旨六合之外存而不論 多好四月白書 議議之者或亂此三者皆即其身耳目之所不至以為 變而賞罰可言此但方內之階差而猶不可頓設況其 不可竝御耳是以古之語大道者五變而形名可舉九 不關其外者也若然則非體極者之所不兼兼之者

妙之法化物以權廣隨所入或為靈仙轉輪聖帝或為 之指歸可見理或有先合而後乖有先乖而後合先合 關鍵而不關視聽之外者也因此而求聖人之意則內 人にしりますんける 卿相國師道士若此之倫在所變現諸王君子莫之為 王未體極之主斯其流也何以明之經云佛有自然神 **堯孔發致雖殊潛相影響出處誠異終期則同詳而辯** 而後乖者諸佛如來則其人也先乖而後合者歷代君 外之道可合而明矣嘗以為道法之與名教如來之與 释文机

會之必同自合而求其乖則悟體極之多方但見形者 塗者必不自崖於一 有會此所謂乖而後合者也若令乖而後合則擬步通 迹有參差故所受不同或期功於身後或顯應於當年 誰此所謂合而後乖者也或有始創大業而功化未就 聖王則之而成教者亦不可稱算雖抑引無方必歸塗 孔發致不殊斷可知矣是故自乖而求其合則知理 不無故感衆塗而駭其異耳因兹而觀天地之道 一揆若今先合而後乖則釋迦之與

金好巴屋白書

問曰論旨以化盡為至極故造極者必違化而求宗求 炎已の自己等! 同無神雖妙物故是陰陽之所化耳既化而為生又 之至以權居統此雅論之所託自必於大通者也求之 宗不由於順化是以引歷代君王使同之佛教令體極 實當理則不然何者夫稟氣極於一生生盡則消液而 功盡於運化帝王之德理極於順通若以對夫獨絕之 **毅不變之宗固不得同年而語其優劣亦已明矣** 形盡神不滅五 釋文紀

靈宅 生必存其毀必減形離則神散而固寄木朽則火寂 則異氣數合合則同化亦為神之處形猶火之在木 俱化原無異統精廳一 而為外既聚而為始又散而為終因此而推 我分正月分言 無物反覆終窮皆自然之數耳孰為之哉若令本 理之然矣假使同異之分味而難明有無之 |毀則氣散而照滅散則反所受於天本滅則復歸 聚散聚散氣變之總名萬化之生減故莊子曰 **一氣始終同宅宅全則氣聚而有** ,固知神 一說 必 其 形

識生疑多同自亂其為誣也亦已深矣將欲言之是乃 的定四重公告 不 圓應無生妙盡無名感物而動假數而行感物而非 言夫不可言今於不可言之中復相與而依係神也者 言雖有上智循不能定其體狀窮其幽致而談者以常 為靈者也精極則非卦象之所圖故聖人以妙物而為 之生氣之聚聚則為生散則為外若外生為彼徒苦吾 (何患古之善言道者必有以得之若果然邪至理極 ,生生盡不化義可尋也答曰夫神者何邪精極而 釋文紀

大患以無生為反本者也文子稱黃帝之言曰形有靡 情為化之母神為情之根情有會物之道神有冥移之 明閣故其照不同推此而論則知化以情感神以化傳 故物化而不滅假數而非數故數盡而不窮有情 生息我以外又以生為人霸以為反真此所謂知生為 び 物感有識則可以數求數有精麤故其性各異智 但悟徹者及本感理者逐物耳古之論道者亦未有 同請引而明之莊子發玄音於大宗曰大塊勞我 グマルノニー 則 有

散於一 久の可見な動 遂淪於常教令談者資之以成疑向使時無悟宗之匠 悲乎火木之喻原自聖典失其流統故幽與莫尋微言 盡於一化方逐物而不反者也二子之論雖未究其實 形而猶喜若人之形萬化而未始有極此所謂知生不 而神不化以不化乘化其變無窮莊子亦云持犯人之 亦當伤宗而有聞馬論者不尋無方生奴之說而惑 聚 不知有先覺之明冥傳之功沒世靡聞何者夫情數 化不思神道有妙物之靈而謂精麤同盡不亦 釋文紀

受問所受者為受之於形邪為受之於神邪若受之於 後新 新循神之傳於形火之傳異新猶神之傳異形前新非 木謂終期都盡耳此由從養生之談非遠尋其類者也 **惑者見形朽於一生便以謂神情俱喪猶親火窮於** 變自非達觀孰識其會請為論者驗之以實火之傳於 相感其化無端因緣密構潛相傳寫自非達觀熟識其 如來論假今神形俱化始自天本愚智資生同稟所 則知指窮之術妙前形非後形則悟情數之感深

金分四四百言

久の日日 公子 益所未盡亦許處耳意以為沙門德式是變俗之殊 論成後有退居之賓步明月而宵遊相與共集法堂因 而問曰敬尋雅論大歸可見殆無所間一日武重研究 乎驗之以理則微言而有徵效之以事可無感於大道 則丹朱與帝堯齊聖重華與瞽瞍等靈其可然乎其可 於形初雖靈均善運猶不能變性之自然沉降茲已還 然乎如其不可固知冥緣之構著於在告明醫之分定 形凡在有形皆化而為神矣若受之於神是以神傳神 釋文化 デニー

唇啓化表之玄路方將以兼忘之道與天下同往使希 日請為諸賢近取其類有人於此奉宣時命遠通殊方 早計之累虚沾其惠貽夫素餐之識邪主人良久乃應 道家之名器施於君親固宜略於形敬今所疑者謂甫 主人曰類可尋矣夫稱沙門者何邪謂其發蒙俗之 九譯之俗問王者以當資以報糧錫以舉服不答曰然 而未應乃今王公獻供信士屈體得無坐受其德陷乎 金灯四月分書 創難就之業逐期化表之功潛澤無現法之効來報它

懷綴旒之數故因述斯論馬 父已の更合語! 為功息心以淨畢為道乃於然怡襟詠言而退晉元與 耳濡沫之惠復馬及語哉衆賓於是始悟冥蓮以開報 尚未酬其始誓之心況答三業之勞乎又斯人者形雖 髙者挹其遗風激流者味其餘津若然雖大業未就觀 有待情無近寄視夫四事之供若蟭蚊之過乎其前者 其超步之跡所悟固己弘矣然則運通之功資存之益 |年歲次關逢于時天子蒙塵人百其憂儿我同志 愈 釋文紀 子四

盡敬於所尊表誠於神明率皆袒服所謂去飾之基者 或得之於異俗其民不移故其道未已是以天竺國法 或問曰沙門袒服出自佛教是禮與答曰然問曰三代 論者之所執方內之格言耳何以知其然中國之所無 論者成有疑馬若有深致幸誨其未聞答曰玄古之民 **殊制其禮不同質文之變備於前典而佛教出乎其外** 金分巴尼台書 大朴未虧其禮不文三王應世故與時而變因茲以 沙門袒服論

次定四年 白馬 習未移應微難辨袒服既彰則形隨事感理悟其心 其本滯根不拔則事求愈應而形理相資其道微明 教明所行不左故應右袒何者將辨賢賬必存乎位 言之夫形以左右成體理以邪正為用二者之來各乘 生累過而能復雖中賢猶未得況有下於此者乎請試 已而求先又人之所能皆在於右若動不以順則觸事 以進德則尚賢之心生是故沙門越名分以背時不退 也雖記籍未流兹土其始似有聞馬佛出於世因而為 釋文紀 孟 位

因級麤之妙蹟而衆談未喻或欲革之及古之道何 之弗倦動必以順不覺形之自恭斯乃如來勘誘之外 變即近悟遠形服相愧理深其感如此則情化專向修 思順異蹟同軌編素風而懷古背華俗以洗心尋本達 以袒服為其誠而開其邪使名實有當敬慢不雜然後 開出要之路導真性於久迷令淹世之賢不自絕於無 五岁正月 白書 分布進之流不感塗而旋步於是服膺聖門者咸履 順之氣表誠之體而邪正两行非其本也是故世尊

深哉 見答問袒服指訓兼弘標末文於玄古資形理於近用 使敬慢殊流誠服俱盡殆無問然至於所以明順猶 久にり巨心語 以淺深應之李釋之與周孔漸世之與遺俗在於因循 不左且四等窮奉親之至三驅顯王跡之仁在後而要 同何者儀形之設益在時而用是以事有內外乃 同必無逆順之殊明矣故老明兵凶處右禮以喪制 何鎮南難袒服論 釋文紀 莱 有 可

有歸 金分四四分言 敬尋問旨益是開其遠塗照所未盡令精麤並順內外 其旨可見寧可寄至順於凶事表吉誠於喪容哉鄭伯)罰以斯而證順將何在故率所懷想更詳盡令內外 以肉袒亦猶許男與機皆自以所乗者逆必受不測 答何鎮南 一復斯誨所悟良多常以為道訓之與名教釋迦 孔發致雖殊而潛相影響出處誠異終期

人三日下公司 陷差有分分外之所通未可勝言故漸兹以進德令事 齊已物我同觀則是合抱之一毫豈直有間於優劣而 **必待化而方用上極行葦之仁内匹釋迦之慈使天下** 順四時以簡其煩三驅之禮失前禽而弗各網署之設 談士發殊塗之論何以知其然聖人因弋釣以去其 但妙蹟隱於常用指歸昧而難尋遂令至言隅於世典 於君親從此而觀則內外之教可知聖人之情可 相與者哉然自蹟而尋猶大同於兼爱遠求其實則 釋文紀 主

以通教感於事變懷其先徳者也世之所賢者不過生 情咸悅生而懼死好進而惡退是故先王既順民性撫 厚其生凶事尚右哀容以毀其性斯皆本其所受因順 其自然今吉凶殊制左右異位由是吉事尚左進爵以 化也陰陽陷鑄受左右之體昏明代運有好生之說 不容疑來告記謂宜更詳盡故復究叙本懷原夫形之 但歸塗未啓故物莫之識若許其如此則袒服之義理 |存而屈伸進退道盡於此淺深之應於是乎在沙

金好四月年

情累其生則生可絕不以生累其神則神可冥然則 塗者不以生累其神超落世務者不以情累其生不 生生由於稟化不順化以求宗推此而言固知發彰歸 明之凡在出家者達患累緣於有身不存身以息患知 以自牧謂之謙居衆人之所惡謂之順謙順不失其本 門則不然後身退已而不謙卑時來非我而不辭辱 則日損之功易積出要之路可遊是故遁世遺榮反俗 動動而反俗者與夫方內之賢雖貌同而實異何

次定四軍会替

样文化

出於有封有封未出則是點其文而未達其變若然方 以為神宅寄生栖照津暢明識雖託之以存而其理天 問曰佛經以殺生罪重地獄斯罰冥科幽司應若影響 逆乎漸世之與遺俗指存於此 將滯名教以狗生乘萬化而背宗自至順而觀得不曰 之所謂古凶成禮奉親事君者益是一 金グロルといって 余有疑馬何者夫四大之體即地水火風耳結而成身 明報應論并問 域之言耳未始

次ピの事を書 深玄微言難辯尚未統夫指歸亦馬能暢其幽致當為 以悟可謂朗滯情於常識之表發奇唱於未聞然佛教 立言之津要津要既明則羣疑同釋始涉之流或因茲 之迹順何所寄哉答曰意謂此二條始是來問之關鍵 我有己情應之深者耳若因情致報乘感生應則自然 亦猶減天地間水火耳又問萬物之心爱欲森繁但私 絕豈唯精麤之問固亦無受傷之地滅之既無害於神 依伤大宗試叙所懷推大四大之性以明受形之本則 釋文紀

德存馬若彼我同得心無 兩對遊刀則泯一玄觀交兵 之無功感先覺而與懷於是思弘道以明訓故仁恕之 我寓羣形於大夢實處有而同無豈復有封於所受有 則莫逆相遇傷之宣唯無害於神固亦無生可殺此則 係於所戀哉若斯理自得於心而外物未悟則悲獨善 假於異物託為同體生若遺塵起滅 入智忍之所遊也於是乘去來之自運雖聚散而非 順雖後終日揮戈措刃無地矣若 化此則慧觀之

金发口压台管

久己の巨八百万 之動無明掩其照故情想凝滯於外物貪爱流其性故 之所感變化之所生豈不由其道哉無明為惑網之淵 推事而求其宗則罪罰可得而論矣當試言之夫因緣 **賞何罪罰之有称若反此而尋其源則報應可得而明** 然者方將託鼓舞以盡神運干鍼而成化雖功被猶無 封於彼我則私其身而身不忘有主於善惡則戀其生 貪愛為眾累之府二理俱遊冥為神用吉凶悔吝唯此 一結而成形 形結則彼我有對情滯則善惡有主有 釋文紀

金分正匠白書 尋來問之要而驗之於實難旨全許地水火風結而成 之自然自然者即我之影響耳於夫主宰復何功哉請 御失其道也然則罪福之應唯其所感感之而然故謂 聲報以罪福為影響本以情感而應自來豈有幽司由 地獄斯罰此乃必然之數無所容疑矣何者會之有本 著是故失得相推禍福相襲惡積而天殃自至罪成則 則理自冥對兆之錐微勢極則發是故心以善惡為形 而生不絕於是甘寢大夢唇於同迷抱疑長夜所存唯

以談大神形雖殊相與而化內外誠異渾為一 處必以情則神之居宅不得無痛痒之知神既有知宅 若果有情四大之結是主之所感也若以感由於主故 那若云無情則四大之結非主宅之所感若以感不由 欠己の自己等 又受痛痒以接物固不得同天地問水火風明矣因兹 知宅又無痛痒以接物則是伐卉剪林之喻無明於義 主故處不以情則神之居宅無情無痛痒之知神既無 身以為神宅此即宅有主矣問主之居宅有情邪無情 釋文紀 主 一體自

不同耳 則影響自彰理無先期數合使然也雖欲逃之其可得 生理彌固爱源不除則保之亦深設一理逆情使方寸 金分正月全書 未冥則構怨不息縱復悦畢受惱情無遗憾形聲既著 達觀孰得其際邪茍未之得則愈久愈迷耳凡稟形受 命莫不盡然也受之既然各以私戀為滯滯根不拔則 一亂而沉舉體都止乎是故同逆相乘其生響除禍心 此則因情致報乘感生應但立言之旨本異故其會

次正の事心島 問曰若以物情重生不可致喪則生情之由私戀之感 福不可都忘故使權其輕重輕重權於罪福則驗善惡 由而訓必有漸知久智不可頓廢故先示之以罪福罪 應之對也何者人之難悟其日固久是以佛教本其所 知聖人因其迷滯以明報應之對不就其迷滯以為報 對哉答曰夫事起必由於心報應必由於事是故自報 **耳宜朗以達觀晚以大方宣得就其迷滯以為報應之** 以觀事而事可變舉事以責心而心可及推此而言則 釋文紀

經二生三生百生干生然後乃受受之無主必由於心 善惡始於此身即此身受生報者來生便受後報者或 所係故能尊賢容衆怒已施安遠尋影響之報以釋往 經說業有三報一曰現報二曰生報三日後報現報者 復之迷迷情既釋然後大方之言可曉保生之累可絕 夫生累者雖中賢猶未得豈常智之所達哉 二報論思無現驗作人疑善

金分区区 有電

以宅心善惡滞於私戀則推我以通物二理兼弘情無

Sal 1 ... 1.11 及三隅於未聞師友仁匠習以移性者差可得而言請 武論之夫善惡之與由其有漸漸以之極則有九品之 門降兹已還或有始涉大方以先悟為著龜博綠內籍 賞罰三報之大略也非夫通才達識入要之明罕得其 咸隨所遇而為對對有強弱故輕重不同斯乃自然 心無定司感事而應應有運速故報有先後先後雖異 如類非九 凡在九品非其现報之所攝然則現報絕夫常類 品則非三報之所攝何者若利害交於目前

妖孽見福疑似之嫌於是乎在何以謂之然或有欲臣 邪而致慶此皆現業未就而前行始應故曰禎祥遇禍 相參懷佛教者以有得之世或有積善而殃集或有凶 免也將推而極之則義深數廣不可詳究故略而言之 金丘匹库全書 自同有定報定則時來必受非祈禱之所移智力之所 於踵而應此現報之一 而頓相傾奪神機自運不待慮而發發不待慮則報不 | 政時道濟生民擬步髙蹟志在立功而大業中傾 **隅絕夫九品者也又三業殊體**

というしています 相 皆立功立德之好變疑嫌之所以生也大義 昔或有名冠四科道在入室全爱體仁慕上善以 遊 明宜尋其對對各有本待感而發逆順雖殊 進德若斯人也含沖和而納疾履信順而夭年 迴換 **頻集或有棲遲衡門無悶於世以安步為與優** 一耳何者倚伏之契定於在昔冥符告命 ·歲而時來無妄運非所遇世道交淪于其間 故令禍福之氣交謝於六府善惡之 釋文紀 跃

為限不明其外其外未明故尋理者自畢於視聽之内 此先王即民心而通其分以耳目為關鍵者也如今合 誘應心求實必至理之無此原其所由由世典以 名教之書無宗於上遂使大道翳於小成以正言為善 積惡之無殃感神明而悲所遇慨天殃之於善人咸 謂 内外之道以求弘教之情則知理會之必同不惑衆塗 外互而兩行是使事應之際愚智同惑謂積善之無慶 而駭其異若能覺三報以觀窮通之分則尼父之不答

多好四月全書

法錐 法洗心玄門 而未離于淵者也推此以觀則知有方外之賓服膺妙 越名教絕九流者豈不以疎神達要陶鑄靈府窮源 宗極 由顏冉對聖匠而如愚皆可知矣亦有緣起而緣生 1. 10 101 /12:1 化鏡萬泉於無泉者也性論至爱 不在治理自安消非三報之所及因兹而言佛經所 愷 預入諦之明而遺愛木忌循以三報為華苑或雖 詣之感超登上位如斯倫匹宿殃雖積 稱文紀 いく 髙 變為性得人人 丰五

生豈遇以之希心則開 是使塵想制於玄襟天羅 多玩四月至幸 虓 之慈妙尋法身之應以神不言之化化不以方唯其所 静應間夜理契其心爾乃恩沾九澤之惠三復無緣 滯於近習不達希世之間撫常永日军懷事外之感 烟色匡古 暖疑廬仙 若積 背人所并 隱空山石 雷序 而皇臨室之 顯似流中影遠 因煙管會在間 悟靡期於是發情忘食情百 網其神應若以之窮齡則 著霧築 鉛暉龕西天竺 日相室域竺有 妙道月佛 算士成影 盡敌國是 工其那佛 淡光竭昔 彩相訶化 圖刀城毒 其 寫于南龍 此

议定四車全書 既有之場獨發類乎形相待類乎影推大冥寄為有待 崇基或顯生塗而定體或獨於於其尋之境或相待於 也若乃語其筌寄則道無不在是故如來或晦先蹟以 圖然而會其成理玄於萬化之表數絕乎無形無名者 之談功盡於此將欲擬夫幽極以言其道髣髴存馬而 一榮有情同順成於懸映之在已罔識曲成之攸寄妙物 感慈不以緣冥懷自得譬日月歷天光影彌暉羣品照 不可論何以明之法身之運物也不物物而兆其端不 釋文紀

經因其詳問乃多有先徵然後驗神道無方觸像而寄 賓禪師南國律學道士與昔聞既同並是其人遊歷所 訓託志玄籍每想奇聞以寫其誠遇西域沙門輒餐遊 止方其蹟豈不誣哉遠昔尋先師奉侍歷載雖啓蒙慈 於曠代之外不悟靈應之在兹徒知圓化之非形而動 方之說故知有佛影而傳者尚未晚然及在此山值罽 耶為無待耶自我而觀則有問於無問矣求之法身原 一統形影之分孰際之哉而今之聞道者咸摹聖體

ヨシロル

11111

文での声から ! 旋踵忘敬問慮問識三光掩暉萬象一色庭宇幽韵 傳像相具體微沖姿自朗白毫吐曜昼夜中爽感徹 同方蹟絕兩冥其茫茫荒宇靡勘靡獎談虚寫容拂空 **映虚亭在陰不昧處暗愈明婉步蟬蛻朝宗百靈應不** 同契發其真趣故與夫隨喜之賢圖而銘馬 原矣大像理玄無名體神入化落影離形迴暉層嚴凝 百慮所會非一 扣誠發響語音停山津悟冥赏撫之有會功弗由囊 時之感於是悟徹其誠應深其信將援 释文祀 幸と 一

遊畢命 靈治飲和至柔照虛應問智落刀周深懷冥託霄想神 管曷求神之聽之鑒爾所脩庶兹巨軌映彼玄流激清 像真理深其趣奇與開襟祥風引路清氣廻於軒字唇 歸塗英測悟之以靜震之以力慧風雖退維塵攸息匪 明交而未陽琴歸鏡神儀依稀若真遇其銘之圖之曷 規玄度妙盡毫端運微輕素託彩虛凝殆映霄霧迹 伊玄覽孰扇其極其希音遠流乃眷東顧改風慕道仰 對長謝百憂其五 曙髣髴神容依稀萬僧傳載云清氣

金贝巴尼全量

久三日日 二十 之會誠非理所期至於付襟退版固已超夫神境矣 情以本應事忌其勞于時揮翰之賓食馬同詠成思存 赤奮若貞于太陰之墟九月三日乃詳檢別記銘之於 石爰自經始人百其誠道俗欣之感遺蹟以悅心於是 因即以寄誠雖成由人匠而功無所加至於歲次星 晉義熙八年歲在壬子五月一日共立此臺擬像本山 一就託相異聞庶來賢之重軌故備時人於影集大通 (似迹以 速似巨朝, 釋文紀 作震 塵作 軌開

與天人攸夢淨音既暢逸響遠流密風遐扇遠生善教 道虚凝湛馬遺照於是乘變化以動物而泉邪革心跬 **告衆祐降靈出自天竺託化王宫與于上國顯迹重冥** 多好四月全妻 末年垂干祀徒欣大化而運乖其會弗獲叩津沙門發 神步以感時而羣疑同釋法輪玄運三乘並轍道世交 開闢神路明暉宇宙光宅大千萬流澄源圓映無主覺 淵極魍魎神影餐服至言雖於味餘塵道風遂邁擬 晉襄陽丈六金像頌并序

大三日日 小書 精麤誠異悟亦有因是故擬狀靈範啓殊津之心儀 形 情悟於中遂命門人鑄而像馬夫形理雖殊階塗有漸 契百念慎敬慕之思追述八王同志之感魂交寢夢而 形心目冥應有期幽情莫發慨馬自悼悲愤靡寄乃遠 足逸步玄迹已邀每希想光晷影解容儀寤寐興懷若 重劫之厚緣乃道福兼弘真迹可踐三源反流九神同 淵于時四輩悦情道俗齊趣跡響和應者如林鑄均有 一模關百慮之會使懷遠者兆玄根於來葉存近者遘 样又犯

多玩四月全書 靈儀城城神步茫茫造物玄運冥馳偉哉釋迎與化推 堂堂天師明明遠度淡邁羣萃超然先悟慧在恬虚妙 馬乃作頌曰 而功業可存德以項宣而形容可像匪詞匪頌將何美 事猶天匠馬夫明志莫如詞宣德莫如頌故志以詞顯 不以數感時而與應世成務金顏映發奇相暉布肅肅 虚室之供而進助者不以纖毫為挫勸佐有彌劫之勤 而操務者不以唇痰告勞因物任能不日而成功自人

炎足四軍全書 人 允潛影離仰慕千載是擬是儀弘 慶會而形不自運此情此悅良無以喻 衰益甚很家慈韶曲垂允慰感懼之深實百于懷幸遇 移静也淵默動也天随綿綠海整聖長原及宗無像 釋慧遠頓首陽月和暖願御膳順宜貧道先嬰重疾年 謝石虎全同且並出應 謝安帝勞問書是勸遠姓 安帝鉛答 釋文紀 32 不師 中十 行輔 帝國

悟名教是應變之虚談耳以今而觀則知沈冥之趣豈 陽中感懷知所患未佳甚 情取去月發江陵在道多諸 每尋疇告游心世典以為當年之華苑也及見老莊便 惡情遲兼常本冀經過相見法師既養素山林又所患 金人口人人 **禾產邀無復因增其數恨事僧** 不以佛理為先尚會之有宗則百家同致君諸人故 進書於是山居道俗日加策 次宗華賢遊處研精玄理遠與隱士劉遺民等書遺民於廬 勵刀炳山 張西 野林 周澗 續之雷立

欠にの目をは 釋慧遠順賢去成得姚左軍書具承德問仁者曩絕殊 與傷摩羅什書途太元中來至尋陽改改為道無以暢一詣之感因騙之喻亦何必遠寄古人明集 齊宜簡絕常務專心空門然後津寄之情為來生之計 而之因籍之資以此永年豈所以勵其宿心哉意謂六 為如米賢弟子也策名神府為日已久徒積懷遠之與 深矣若染翰級文可託與於此雖言生於不足然非言 得文紀 型 ___

情者乎是故員荷大法者必以無執為心會友以仁者 積是惟教合之道猶虚往實歸況宗一無像而應不以 在替誠未能扣津妙門感徹遺靈至於虚襟遣契亦無 金公正四百書 日不懷夫旃檀移植則其物同熏摩尼吐曜則眾珍自 其勞付每欣大法宣流三方同遇雖運鍾其末而趣均 形乖為數耳項知承否通之會懷實來遊至止有問 域越自外境于時音譯未交聞風而悅但江湖難真以 日九馳徒情於雅味而無由造盡寓目望途固以增 則

文ピの目にい 鳩摩羅什和南既未言面又文群殊隔導心之路不通 得意之緣比絕傳譯來脫粗承風德比知何如備聞 美於絕代龍樹宣獨善於前蹤今往比量衣裁願登高 音於將盡之期折世智之角杜異人之口則滿願不專 座為著之并天漉之器此既法物聊以示懷運 使功不自己若令法輪不停軫於 **縁高僧傳無折世智二句有而字教合作教令無像作** 鳩摩羅什答慧遠書什 釋文紀 見 (正之路三寶不 報 四十二 日作

日有凉氣比復何如去月法識道人至間君欲還本國 重與雅什書恩遠學贯星經棟張遺化石雙口深雄可偷法物之數也紀作欽哉 時著當如來意但人不稱物以為愧耳今往常所用鍮 豈其能盡麤酬來意耳損所致比量衣裁欲令登法座 隆未具者疑滞仁者偷之矣所以寄心通好因譯傳意 途可以蔽百經言末後東方當有護法菩薩勗哉仁者 善弘其事夫財有五倘福戒博聞辯才深智兼之者道 金分四月全書

此傳 律戒所關尤多項有西域道士弗若多羅是罽賓人 情以恨然先聞君方當大出諸經故未欲便相諮求若 ... 10 lot / him 不虛衆恨可言今輒略問數十條事冀有餘暇 遺曇摩流支書雲摩 /與先行上國自分流已來四百餘年至於沙 此雖非經中之大難要從取決於君 審與善關定機此中 釋文紀 猶什 得若 恨共 支 律此 善都遺 書通好支而名後泰弘 P+11 年

惠深徳厚人 始涉之流不失無上之津澡懷勝業者日月彌朗 恪若能為律學之徒畢此經本開示梵行洗其耳目使 諷十誦梵本有羅什法師通才博見為之傳譯十誦 多好で月全書 事而已耶想弘道為物感時而動叩之有人必情無所 文始過半多羅早喪中途而寢不得究竟大業既恨 深傳聞行者赍此經自隨甚於所遇冥運之來豈人 入神同感矣幸願垂懷不乖往意一二悉諸 僧作 傳德 北 則

次にの事とは 流而據其會山海經云廬江出三天子都入江彭澤西江山去小江三十里餘左挾彭蠡右傍通川引三江之 損鉤六種深抱情至益智乃是一方異味即於僧中行 山在江州潯陽南南濱官亭北對九江九江之南為小 集速公 答盧循 廬山記 先稱 中首遠答 花暢廣子 旅江州以茶樂六種酒箱字子先花陽人妹適孫思思 釋文紀 B+B 餉作 遠亂 公已 書來

氣先搏而緩絡於山嶺下及至觸石吐雲則倏忽而集 七重圓基周迴垂五百里風雨之所擔江山之所帶高 故時人感其所止為神傑之廬而名馬其山大嶺凡有 有追續先生者出自殷周之際遯世隱時潛居其下或 嚴仄宇峭壁萬尋幽岫穹崖人獸兩絕天將雨則有白 云續受道於您人而適游其嚴遂託室嚴岫即嚴成館 風振嚴逸響動谷羣籟競奏其聲駭人此其化不

金岁也是有量

曰天子障彭澤也山在其西故舊語以所濱為彭蠡

久三日日二十二 雲氣映天望之若山有雲霧馬其南嶺臨宮亭湖下 所居也其後有嚴漢董奉復館於嚴下常為人治病法 多神驗病愈者令我杏五株數年間蔚然成林計奉在 **若登天庭馬其嶺下半里許有重巖上有懸崖古偲之** 公東游登其峯而遐觀南眺五湖北望九江東西肆目 、間近三百年容狀常如三十時俄而昇係絶迹於告 其北衛西嚴之間常懸流遙雲激勢相趣百餘切中 測者矣衆嶺中第三嶺極髙峻人之所罕經也太史 程文紀 工工

奇木獨絕於林表數十丈其下似一層浮圖白鷗之所 經水旱而不異尋其源出自於龍首也南對萬峯上有 形而右塔基馬下有甘泉湧出冷暖與寒暑相變盈減 多奇觸象有異北背重阜前帶雙流所背之山左有龍 氣俱滅此似得道者當時能文之士成為之異又所止 見人著沙彌服凌雲直上既至則路其峯良久乃與雲 **續同會於東共成 军等其嚴窮絕莫有升之者昔野夫** 神廟即以官亭為號其神安侯也亭有所謂感化缺七

金与四月全書

20.10 in 1.47 靈藥萬物之奇略舉其異而已耳續世說 將雨則其下水氣湧出如馬車盖此龍井之所吐其左 其上則氤氲若香煙白雲暎其外則炳然與眾峯殊別 翔玄雲之所入也東南有香鑪山孤峯獨秀起游氣籠 自託此山二十三載再踐石門四遊南領東望香爐峰 似雙關壁立干餘仞而瀑布流馬其中烏獸草木之美 則翠林青雀白猿之所想玄鳥之所塾西有石門其前 样文祀 四十六

懐 秋直數其奇而已矣世說 北眺九江傳聞有石井方湖中有赤蘇 本 金灰四月全書 釋慧持遠之弟 使東裝首的 書文明 彮 卡終 歲欲傳 觀 版典 堪持 玄禮辭 化 後末栖 後段乃遺民書誤 本嚴寒體中何如 親我收編載慧遠答桓云 机流沙之表不能負其發足 退速 砍入 重蜀 時行 玄连 亦荆 踊出野人不 苦州 欲刺 雷史 之主是是 之般 能 持仲

ションフェー ハナー 吾罪深矣高 竺僧度 人微層短不能率聚和上雖隔在異域循遠垂憂念一行状三下垂沒自責與遠書行状三下垂沒自責與遠書的子寄遇遇開封口此由飲酒僧也我訓領不與意遠書此江陵長沙寺講就衆經時一僧飲酒 释法遇 八微層短 多妻若華書度姓王名师字玄宗 東 美人 僧 苕求 華同 父郡

大事 金兵四母全書 不及遠未能東被以此為愧然積簣成山亦真從微 未若弘道以濟三界髮膚不毀俗中之近言耳但吾德 **醫雞鄉之聲焯暄之色不與易也若能懸契** 一放袈裟振錫杖飲清流詠波若雖公王之 事親以成 是首 専度世族之乃 精答|遠令|道拾 佛書然其乃俗 法報祖顧與出 服 則

とてに、こういう! 時為務卿年德並茂宜速有所慕莫以道士經心而坐 之不慕俗矣楊氏長别離矣万世因緣於今絕矣歲聿 失威年也店僧傳 至著 云暮時不我與學道者當以日損為志處世者當以及 期於泥洹矣且人心各異有若其面卿之不樂道循 僧佉叱 答 張奴! 東西如東那是明 List in 纯悦干京 南冬寺師 釋訊夏有有 面三馬寶 紦 **杯然基都** 度日見下

悟空報物傷變搖紛絕有斷習除戀青條曲蔭白茅以 覺先見思形浮沫矚影邁電累 對華華幾 醒童升視色 金好四年全書 薦依畦啜麻鄰崖飲洊慧定計昭妙真曰眷慈悲有増 悠悠世事感滋損益使欲塵神横生悦懌惟此哲 深想無倦高僧傳 廬山諸道 頌竟各去 石門詩序 视蔑 两耶 酏 並刀 見杯度傳晉宋題树為歌任叱 之亦 問題

久三日日二十 **優石竝以所悦為安既至則援木尋萬歷嶮窮** 拂衣晨征悵然增與雖林壑幽邃而開塗競進雖乘危 月因詠山水遂杖錫而遊于時交徒同趣三十餘 曲阜路阻行難故罕經馬釋法師以隆安四年仲春 之於舊俗而未観者衆將由懸瀬險峻人獸迹絕逕廻 然故因以為名此雖廬山之一隅實斯地之奇觀皆傳 關三泉之會並立而開流 傾岩玄映其上蒙形表於自 在精舍南十餘里一名障山基連大衛體絕眾皇 釋文紀 乳

開闔之際狀有靈馬而不可測也乃其將登則翔禽 亦已備矣斯日也求情奔悦矚覧無厭遊觀未久而天 象觸類之形至可樂清泉分流而合注淡 淵鏡淨於天 相引僅乃造極於是擁勝倚岩詳觀其下始知七衛之 氣屢變霄霧塵集則萬象隱形流光廻照則眾山倒影 池文石發綵煥若披面檉松芳草蔚然光目其為神麗 以為障崇岩四營而開宇其中則有石臺石池宫館之 美蘊奇於此雙闕對峙其前重岩映帶其後戀阜周廻

金好四月全書

CA. TOwn Links **有流目四矚九江如帶丘阜成垤因此而推形有巨** 昧然未盡俄而太陽告夕所存已往乃悟幽人之玄覽 此豈不以虚明朗其照閒邃篤其情耶竝三復斯談猶 夫崖谷之間會物無主應不以情而開與引人致深若 之有寄雖琴解循聞而神以之暢雖樂不期數而放以 達恒物之大情其為神趣豈山水而已哉於是徘徊崇 翮鳴猿厲響歸雲廻駕想羽人之來儀哀聲相和岩玄音 永日當其沖豫自得信有味馬而未易言也退而尋之 俸文紀

多定四月全書 智亦宜然延喟然數宇宙雖退古今一 途日隔不有哲人風蹟誰存應深悟遠慨馬長懷各於 遇之同數感良辰之難再情發於中遂共詠之云爾 契靈驚邀矣荒